

tem minori negotio leuiusq; uterum gerent, ilium ossa mulieribus multo ampliora sunt, ipforumq; spina in latera longè magis quàm in uiris, educitur, & etiam illa ossa extoriorum infignius cauuntur: & ut semel dicam, hæc commodam gestando fœtui sedem efformant. Quòd autem nuper natis puellis partus facilius gratia, apud nullas gentes pubis ossa aut compriantur, aut disungantur, neminem dissectionis studiosum latere arbitror: quantumuis id pertinaciter uulgus nunc de his, nunc illis nationibus affirmet. Quamobrem uero pubis ossa maximo totius corporis ossium foramine (quod etiam propter magnitudinem ab ostij imagine nuncupatur) peruium sit, illi demum cognoscunt, qui ad amulsum inter secandum dicere, qui nam musculi à coxendicis & pubis ossibus pronascantur. illi enim arguunt pubis os amplam & aptam educendis musculis sedem necessariò oportuisse fieri. Ne uero interim frustra animal grauetur, sed ut leue esset, eo quo diximus foramine donatur. Neque est quod hæc aliquis uasa feminaria, aut maximas crurum uenas & arterias, aut etiam nervos deducarbitretur: quemadmodum nemo non credit, qui etiam Anatomes rudis, nudam ossium compagem intuetur. Illa enim organa aliam nanciscuntur uiam, quippe maxima crus petens uena, arteriaq; simul cum secundo crus adeunte nervo, proprium sinum exigunt, in superiori pubis ossis sede insinuatur, regione elatioris sedis nuper dicti foraminis. Porro feminarijs uasis etiam elatius quàm pubis os prominet in abdomine iter paratum esse audies. Deinde ingens illud pubis ossis foramen ualida membrana oppletur, quæ musculum internæ foraminis sedi proximum ab illo dirimit, qui externam foraminis sedem occupat. Neque profectò aliquid, foramen hoc transit, præter uenam, & arteriam, neruumq; non ad genu usque ramorum serie digestum. Præterea hæc uasa non per foraminis medium feruntur: sed in elatiori foraminis sede sinus cœlatur, illis uasis deducendis paratus. Quòd uero superior pubis ossium pars, qua inuicem committuntur, aspera est, ideo contigit, quòd rectos abdominis musculos hinc enasci Naturæ uisum fuerit. Deinde anterior quoq; ossium sedes inibi aspera est, ut neruofum caput secundi tibiæ mouentium musculi hinc rite pronasceretur. Ad hæc, in anteriori pubis sede à coxendicis ossis acetabuli interno latere, ad pubis ossium commissuram usque, tuber & quædam ueluti prominentia conspicitur, à qua octauus femur mouentium musculus principium ducit. Quemadmodum hæc anterior pubis ossis sedes protuberat, ita quoque posterior acutam ostendit lineam, à qua musculus femur mouentium decimus sui exortus portionem assumit. His omnibus accedit pubis ossis crassities, iuxta infimam pubis ossium connexus sedem, & magni illius foraminis internum latens, ubi pubis os quodammodo teres crassumq; ob hoc cūsitur, ut ipsius ossis robur adaugeatur: utq; hinc præter quosdam penis musculos alterum corpus eorum quæ penem constituunt, originem duceret. Atque in hunc modum ossa se habent, sacri ossis lateribus connexa, quæ in ætate prouectis duo tantum apparent, singula (uti relatam est) duobus donata appendicibus. In nuper natis uero pueris utrunque os tribus constat ossibus, quæ tribus lineis cartilagine oppletis distinguuntur. Hæc lineæ à coxendicis acetabuli centro simul commissæ porriguntur, una quidem ad superiorem acetabuli sedem ducta, secunda ad externum acetabuli latens: tertia autem ad latens internum delata, etiam per pubis os procedit, ubi id quodammodo teres esse, & penis alterum corpus producere diximus. Verum quum hæc non minus in agnis hœdisq; quàm hominibus sint conspicua, cuius uel inter edendum ea obseruare est integrum.

Ossa sacri ossis lateribus, commissum pueris tribus ossibus.

## DE FEMORE. CAPVT XXX.

CHARACTERVM QVI DVABVS PRÆSENTIS

Capitis figuris sequenti pagina proponendis adhibentur, Index.


- A<sub>1,2</sub> Caput femoris acetabulum ossis coxendicis subiens.  
 B<sub>1</sub> Sinus femoris capiti insculptus, & teretis ligamenti insertionem à coxendicis osse excipiens.  
 C<sub>1,2</sub> Appendicis, rotundum femoris caput efformantis, cum reliqua femoris portione coalitus.  
 D<sub>1,2</sub> Ceruix femoris.  
 E, F<sub>1,2</sub> Inferiora femoris capita. ac E quidem internum, F uero externum notat.  
 G<sub>1,2</sub> Hæc linea coalitum indicat appendicis, duo inferiora femoris capita constitutentis.  
 H<sub>2</sub> Sinus, qui utrisque capitibus E & F insignitis est communis, ac quem patella subit.  
 I<sub>1</sub> Sinus ac interuallum, duo inferiora femoris capita inuicem dirimens.  
 K<sub>1</sub> Ab hac sede interioris capitis primus pedem mouentium musculus initium ducit.

L<sub>1</sub>

L<sub>1</sub> Hinc secundus & tertius pariter pedem mouentes musculi exoriuntur.  
 M<sub>1</sub> Huic interni capitis sedi, quinti femur mouentium musculi tendo inseritur. Reliquorum autem characterum indicem figuris subiiciemus.

## PRIMA TRI

GESIMI CAPL  
 tis figura, dextri femo-  
 ris os posteriori facie  
 delineatum re-  
 ferens.



## SECUNDA

FIGVRA, FEMO-  
 ris dextri anteriorem  
 faciem osten-  
 dens.

- N<sub>1,2</sub> Sinus in externo inferiorum femoris capitem exculptus latere, ac quartum tibiæ mouentium musculum uehens.  
 O<sub>1</sub> Hæc sede internum latens interioris femoris capitis compressum est, ut hæc tendines primi, secundi, tertij & quinti tibiæ mouentium musculorum porrigerentur.  
 P<sub>1</sub> Hæc regione idem interioris capitis latens insigniter protuberat.  
 Q, R, S, V, X, Y Exterior femoris processus. uerum singuli characteres nō in utraq; figura simul obuij aliquid priuatim, ut modò subiiciā, indicant. Q quidem in prima et secūda coalitum huius processus appendicis ad reliquum os, R in prima sinu internæ præsentis processus sedi cœlatū.  
 T, T. Sin prima figura exterioris processus prima indicatur impressio. Cæterū T, T in prima, insignitur aspera linea deorsum à prima impressione ducta: V in secūda, exterioris processus secūda impressio: X uero, tertia impressio. At Y in ambabus figuris quarta indicatur impressio.  
 a, b, c<sub>1,2</sub> Interior femoris processus. Verum b priuatim in secūda, hic appendicis coalitum indicat.  
 c, c<sub>1</sub> Linea aspera, à radice interioris processus deorsum oblique gratia octauus femur mouentium musculi procedens.  
 d, d<sub>1</sub> Linea secundum femoris longitudinem protuberans, & quinti femur mouentis musculi insertionem admittens.  
 e<sub>2</sub> Hæc sede femur amplum est, quum interim reliqua ferè longitudine teres sit.  
 f, f<sub>2</sub> Aspera sedes, à qua octauus tibiæ mouentium musculus sui exortus initium ducit.

M FEMO-